

2550/1166 (4)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY


MAR 30 1955

漢書 九之十二

元帝紀
平帝紀

成帝紀

哀帝紀



前漢書卷之九

元帝紀第九

孝元皇帝

荀悅曰諱奭之字曰盛應劭曰諡法行義悅民曰元師古曰奭音式亦反宣帝

太子也母曰共哀許皇后

張晏曰禮婦人從夫諡閔共見殺故兼二諡師古曰

共讀曰恭

宣帝微時生民間年二歲宣帝即位八歲立為

太子師古曰宣帝即位之明年改元曰日本始本始凡四年而改元曰地節地節三年立皇太子若初

即位年二歲則立為太子時年九歲矣又宣帝以元

平元年七月即位而外戚傳云許后生元帝數月宣

帝立為帝是則即位時太子未必壯大柔仁好儒

見宣帝所用多文法吏以刑名繩下師古曰劉向別錄云申子學號

刑名刑名者以名責實尊君卑臣崇上抑大臣楊惲

下宣帝好觀其君臣篇繩謂彈治之耳

大臣楊惲

班史一書其精神結聚全在元成之間高文之盛子長已言之不容贅也哀平已破之醜成事不必說也獨元成以雍容禮文之主不痛不瘡不明不暗釀成亡國之禍



此古氏父子所以扼腕于前而垂死于後者也其言雍容有度也是一傳其言度曲曉音律也是一狹邪行徑也其言通詩禮也是一儒也

蓋寬饒等坐刺譏辭語為罪而誅師古曰憚嘗侍燕從容言師古曰從音千容反陛下持刑太深宜用儒生宣帝作色曰漢家自有制度本以霸王道雜之奈何純任德教用周政乎且俗儒不達時宜好是古非今使人眩于名實師古曰眩亂視也音胡聘反不知所守何足委任迺歎曰亂我家者太子也繇是疏太子而愛淮陽王師古曰繇讀與由曰淮陽王明察好法宜為吾子而王母張婕妤尤幸上有意欲用淮陽王代太子然以少依許氏俱從微起故終不肯焉黃龍元年十二月宣帝崩癸巳太子即皇帝位謁高廟尊皇太后曰太皇太后蘇林口上官后

杜

也而致之左右于帝紀則微其詞于諸傳則明其旨使人一讀之而隱然恍然讀之而毛髮為立讀者得其誅劉欽谷永張禹孔光之惡于萬世則為臣者不可一日而不臣哭劉向望之張堪之

皇后曰皇太后文穎曰即成王皇后母養元帝者也初元元年春正月辛丑孝宣皇帝葬杜陵臣瓚曰自二十八日杜陵在長安南五十里也賜諸侯王公主列侯黃金吏二千石以下錢帛各有差大赦天下三月封皇太后兄侍中中郎將王舜為安平侯丙午立皇后王氏以三輔太常郡國公田及苑可省者振業貧民師古曰振起之令有作業貨不滿千錢者賦貸種食師古曰賦給與之也貸假也貸音土載反種音之勇反封外祖父平恩戴侯同產弟子中常侍許嘉為平恩侯奉戴侯後文穎曰戴侯許廣漢夏四月詔曰朕承先帝之聖緒獲奉宗廟戰戰兢兢間者地數動而未靜懼於

天地之戒不知所繇師古曰繇與由同方田作時朕憂蒸庶

之失業師古曰蒸衆也臨遣光祿大夫褒等十二人循行天

下應劭曰自臨面約勅乃遣存問耆老鰥寡孤獨困

乏失職之民師古曰失職失其常業延登賢俊招顯側陋因覽

風俗之化相守二千石誠能正躬勞力師古曰相者諸侯王相也

守郡守也宣明教化以親萬姓則六合之內和親庶幾虐

無憂矣書不云乎股肱良哉庶事康哉師古曰虞書益稷之辭也

皆得良善則衆事安寧布告天下使明知朕意又曰

關東今年穀不登民多困乏其令郡國被災害甚者

毋出租賦江海陂湖園池屬少府者以假貧民師古曰湖

深水勿租賦賜宗室有屬籍者馬一匹至二匹師古曰

匹三老孝者帛五匹弟者力田三匹鰥寡孤獨二匹

吏民五十戶牛酒師古曰以五十一戶為率共賜之六月以民疾疫令

大官損膳減樂府員省苑馬以振困乏秋八月上郡

屬國降胡萬餘人亡入匈奴九月關東郡國十一大

水饑或人相食轉旁郡錢穀以相救詔曰問者陰陽

不調黎民饑寒無以保治師古曰惟德淺薄不足以

充入舊貫之居師古曰論語稱閔子騫云仍舊貫帝

以為其令諸宮館希御幸者勿繕治師古曰繕補也太僕減

穀食馬水衡省肉食獸師古曰減謂損其數省者全去之

元帝詔書似不知宜帝時然情有温洽如出一手又另一體裁

元帝紀

卷九

三

二年春正月。行幸甘泉。郊泰畤。賜雲陽民爵一級。女

子百戶。牛酒。立弟竟為清河王。三月。立廣陵厲王太

子霸為王。詔罷黃門乘輿狗馬。師古曰黃門近署也。故親幸之物屬焉。

水衡禁園宜春下苑。師古曰宜春下苑即今京城東南隅曲江池是。少府飲

飛外池。如淳曰漢儀注飲飛具。燿繳以射鳥鴈給祭祀是故有池也。嚴籞池田。晉灼

曰嚴籞射苑也。假與貧民。詔曰。蓋聞賢聖在位。陰陽和風雨

時。日月光。星辰靜。黎庶康寧。考終厥命。師古曰考老也。言得壽考。

終其天命。今朕恭承天地。託于公侯之上。明不能燭。德不

能綏。災異竝臻。連年不息。乃二月戊午。地震于隴西

郡。毀落太上皇廟殿。壁木節壞。敗獮道縣城郭官寺。

及民室屋。壓殺人眾。師古曰獮道屬天水。凡府庭所在皆謂之寺。獮音完。壓音烏。狎。

反。山崩地裂。水泉涌出。天惟降災。震驚朕師。師古曰師眾也。

治有大虧。咎至于斯。夙夜兢兢。不通大變。深惟鬱悼。

未知其序。師古曰鬱不通之意也。序次也。聞者歲數不登。元元困乏。

不勝饑寒。以陷刑辟。朕甚閔之。郡國被地動災甚者。

無出租賦。赦天下。有可蠲除減省。以便萬姓者。條奏

毋有所諱。丞相御史中二千石。舉茂材異等。直言極

諫之士。朕將親覽焉。夏四月丁巳。立皇太子。賜御史

大夫爵。關內侯中二千石。右庶長。師古曰第十一爵。天下當

為父後者。爵一級。列侯錢各二十萬。五大夫十萬。師古

曰五大夫 六月關東饑齊地人相食秋七月詔曰歲

比災害民有菜色師古曰五穀不收人但食菜故其顏色變惡慘怛於心

師古曰慘痛也怛悼也已詔吏虛倉廩開府庫振救賜寒者衣

今秋禾麥頗傷一年中地再動北海水溢流殺人

陰陽不和其咎安在公卿皆何以憂之其悉意陳朕

過靡有所諱師古曰悉意盡意也靡無也冬詔曰國之將興尊師

而重傅故前將軍望之傅朕八年道以經書厥功茂

焉師古曰茂美也道讀口導其賜爵關內侯食邑八百戶朝朔望

十二月中書令弘恭石顯等諧望之令自殺

三年春令諸侯相位在郡守下師古曰此諸侯謂諸侯王也珠厓

皆凌本作將

言帝作色

郡山南縣反博謀群臣待詔賈捐之以為宜棄珠厓

救民饑饉師古曰穀不熟為饑蔬不熟為饑乃罷珠厓夏四月乙

未晦茂陵白鶴館災詔曰迺者火災降于孝武園館

朕戰栗恐懼不燭變異咎在朕躬師古曰燭照也群司又未

肯極言朕過以至于斯將何以寤焉百姓凶遭凶阨

無以相振師古曰仍頻也加以煩擾虐苛吏拘牽乎微文不

得永終性命師古曰永長也朕甚閔焉其赦天下夏旱立長

沙場王弟宗為王鄭氏曰場音封故海昏侯賀子代

宗為侯六月詔曰蓋聞安民之道本繇陰陽師古曰繇與由

同間者陰陽錯謬風雨不時朕之不德庶幾群公有

敢言朕之過者今則不然媮合苟從未肯極言師古曰媮

與倫朕甚閔焉永惟蒸庶之饑寒遠離父母妻子勞師古曰不

於非業之作衛於不居之宮師古曰不急之恐非所

以佐陰陽之道也其罷甘泉建章宮衛令就農百官

各省費師古曰費用條奏毋有所諱有司勉之毋犯

四時之禁丞相御史舉天下明陰陽災異者各三人

于是言事者眾或進擢召見人人自以得上意師古曰人

人各自以當天子之意

四年春正月行幸甘泉郊泰畤三月行幸河東祠后

土赦汾陰徒賜民爵一級女子百戶牛酒鰥寡高年

帛行所過無出租賦

五年春正月以周子南君為周承休侯文穎曰姓姬名延年其祖

父姬嘉本周後武帝元鼎四年封為周子南君今奉周祠師古曰承休國在潁川位次諸侯

王三月行幸雍祠五畤夏四月有星孛于參詔曰朕

之不逮序位不明師古曰逮及也言官人之位失其次序眾僚久應應

曰應音曠師古曰應古曠字曠未得其人元元失望空也不得其人則職事空廢

上感皇天陰陽為變咎流萬民朕甚懼之迺者關東

連遭災害饑寒疾疫天不終命詩不云乎凡民有喪

匍匐救之師古曰邶國谷風之詩也言見人有喪禍

步得其令太官母日殺師古曰不得所具各減半師古

反

五經皆崇
需實事非
空言者

日食乘輿秣馬無乏正事而已師古曰秣養也以粟具也

供郊祀蒐狩之事非罷角抵上林宮館希御幸者齊游田者也秣音末

三服官李斐曰齊國舊有三服之官春獻冠幘縱為首服統素為冬服輕綃為夏服凡三師古曰

綃

齊三服官李說是也縱與纒同音山爾反即今之方目紫也統素今之絹也輕綺今之輕紫也北假

田官晉灼曰匈奴傳秦始皇渡河據陽山北假中王莽傳五原北假膏壤殖穀非假地名鹽鐵

官常平倉博士弟子毋置員以廣學者賜宗室子有

屬籍者馬一匹至二駟三老孝者帛人五匹弟者力

田三匹鰥寡孤獨二匹吏民五十戶牛酒省刑罰七

十餘事除光祿大夫以下至郎中保父母同產之令

應劭曰舊時相保一人有過皆當坐之師古曰特為郎中以上除此令者所以優之也同產謂兄弟也

中一作門

覆虜不還
重評匈奴
之難信如
此

令從官給事官司馬中者得為大父母父母兄弟通籍師古曰從官親近天子常侍從者皆是也故此下云科第郎從官司馬門者宮之外門也衛尉有八屯衛侯司馬主衛士徼巡宿衛每面冬十二月丁未各二司馬故謂宮之外門為司馬門御史大夫貢禹卒衛司馬谷吉使匈奴不還師古曰人屯之衛司馬

永光元年春正月行幸甘泉郊泰畤赦雲陽徒賜民

爵一級女子百戶牛酒高年帛行所過毋出租賦二

月詔丞相御史舉質樸敦厚遜讓有行者光祿歲以

此科第郎從官師古曰始令丞相御史舉此四科人

祿每歲依此科考校定其三月詔曰五帝三王任賢

第高下用知其人賢否也

使能以登至平而今不治者豈斯民異哉師古曰言今所治人

即五帝三王之眾庶咎在朕之不明亡以知賢也是故壬人在

位服虔曰壬人佞人也而吉士雍蔽師古曰吉善也大阿卷阿之詩曰藹藹王多吉士雍

讀曰重以周秦之蔽民漸薄俗師古曰為薄俗所漸也重音直用反

夫禮義觸刑法豈不哀哉繇此觀之元元何辜師古曰繇

讀與由同其赦天下令厲精自新各務農畝無田者皆假

之貸種食如貧民師古曰此皆謂遇赦新免罪者也故云如貧民賜吏六百

石以上爵五大夫勤事吏二級為父後者民一級女

子百戶牛酒鰥寡孤獨高年帛是月雨雷師古曰雨音于具反

隕霜傷麥稼秋罷如淳曰當言罷某官某事爛脫失之晉灼曰或無稼字或稼字在秋

雪

鍾人傑曰

秋罷字妙如淳謂脫誤者非

下稼或作桑或作霖五行志永光元年三月隕霜殺桑九月二日隕霜殺稼天下大饑言傷麥稼秋罷是也師古曰晉說得之秋者謂秋時所收穀稼也今俗猶謂黍豆之屬為雜稼云秋罷者言至秋時無所收也

二年春二月詔曰蓋聞唐虞象刑而民不犯師古曰象刑解

在武紀殷周法行而姦軌服師古曰軌與宄同亂在外曰姦在內曰軌今朕

獲承高祖之弘業託位公侯之上夙夜戰栗永惟百

姓之急未嘗有忘焉然而陰陽未調三光掩昧師古曰掩

與暗同又音烏感反元元大困流散道路盜賊竝興有司又長

殘賊失牧民之術是皆朕之不明政有所虧咎至于

此朕甚自恥為民父母若是之薄謂百姓何師古曰言何以

天賦言也

撫臨其大赦天下賜民爵一級女子百戶牛酒鰥寡

孤獨高年三老孝弟力田帛又賜諸侯王公主列侯

黃金中二千石以下至中都官長吏各有差吏六百

石以上爵五大夫勤事吏各二級三月壬戌朔日有

蝕之詔曰朕戰戰栗栗夙夜思過失不敢荒寧師古曰荒

廢也不敢廢惟陰陽不調未燭其咎婁勃公卿日望

有効師古曰婁古屢至今有司執政未得其中師古

音竹仲反施與禁切未合民心師古曰施惠偏暴猛之俗

彌長和睦之道日衰百姓愁苦靡所錯躬師古曰錯

反故是以氛邪歲增侵犯太陽師古曰氛惡氣也邪者

正氣湛掩日夕奪光師古曰湛讀與沈同迺壬戌日

有蝕之天見大異以戒朕躬師古曰朕甚悼焉其令

內郡國舉茂材異等賢良直言之士各一人夏六月

詔曰間者連年不收四方咸困元元之民勞于耕耘

又○亡○成○功○困○于○饑○饉○亡○以○相○救○朕○為○民○父○母○德○不○能

覆○而○有○其○刑○甚○自○傷○焉○其○赦○天○下○秋○七○月○西○羌○反○遣

右將軍馮奉世擊之八月以太常任千秋為奮威將

軍別將五校竝進師古曰別領五校之

三年春西羌平軍罷三月立皇子康為濟陽王夏四

月癸未大司馬車騎將軍接薨師古曰冬十一月詔

前漢書 卷九 元帝 九

曰。迺者已丑地動。中冬雨水大霧。師古曰中讀曰盜

賊竝起。吏何不以時禁。各悉意對。師古曰時禁謂月

也。悉盡也。冬復鹽鐵官博士弟子員。師古曰復以用度不

足。民多復除。無以給中外繇役。

四年春二月。詔曰。朕承至尊之重。不能燭理。百姓婁

遭凶咎。加以邊境不安。師旅在外。師古曰婁讀曰賦

歛轉輸。元元騷動。窮困亡聊。犯法抵罪。夫上失其道。

而繩下以深刑。朕甚痛之。其赦天下所貸貧民。勿收

責。三月。行幸雍祠。五時。夏六月甲戌。孝宣園東闕災。

戊寅晦。日有蝕之。詔曰。蓋聞明王在上。忠賢布職。則

見是元帝
實錄

群生和樂。方外蒙澤。今朕晡于王道。師古曰晡同夙夜

憂勞。不通其理。靡瞻不眩。靡聽不惑。師古曰靡無也

眚。是以政令多還。民心未得。李寄曰還反也。易曰渙

施。今如汗出。邪說空進。事亡成功。此天下所著聞也。

公卿大夫好惡不同。師古曰愛或緣姦作邪。侵削細

民。元元安所歸命哉。迺六月晦。日有蝕之。詩不云乎。

今此下民亦孔之哀。師古曰小雅十月之交之詩也

哀。自今以來。公卿大夫其勉思天戒。慎身修永。以輔

朕之不逮。師古曰虞詩咎繇暮云慎厥身修思永言

身修永也。今流俗書本永上有直言盡意無有所諱。

職。字者後人不曉而加之耳。

九月戊子罷衛思后園及戾園服虔曰戾太子母也冬十月乙

丑罷祖宗廟在郡國者諸陵分屬三輔師古曰先是諸陵摠屬太

常今各依其地界屬三輔以渭城壽陵亭部原上為初陵服虔曰元帝初

置陵未有名也故曰初詔曰安土重遷黎民之性骨肉相附人

情所願也頃者有司緣臣子之義奏徙郡國民以奉

園陵令百姓遠棄先祖墳墓破業失產親戚別離人

懷思慕之心家有不妥之意是以東垂被虛耗之害

關中有無聊之民非久長之策也詩不云乎民亦勞

止迄可小康惠此中國以綏四方師古曰大雅民勞之詩也止語助也

迄至也康安也言人勞已久至此可今所為初陵者

勿置縣邑使天下咸安土樂業亡有動搖之心布告

天下令明知之又罷先后父母奉邑應劭曰先后為其父母置邑守

冢以奉祭祀既已久遠又非典制故罷之師古曰奉音扶用反

五年春正月行幸甘泉郊奉時三月幸河東祠后

土秋潁川水出流殺人民吏從官縣被害者與告臣

日告休假也師古曰從官即上侍從之官也言士卒

遣歸冬上幸長楊射熊館師古曰射音食亦反布車騎大獵十

二月乙酉毀太上皇孝惠皇帝寢廟園

建昭元年春三月上幸雍祠五時秋八月有白蛾群

飛蔽日從東都門至枳道如淳曰三輔黃圖長安城東面北頭門號曰宣平城

注初毛重評此事亦難輕改但勿再徒足矣

重評元帝詔書不與文帝而不及文帝不

營帝從者又帝內剛

祭而外用

一也元帝

則不夫

則不夫

門其外郭曰東都門也師古曰蛾若今之蠶冬河間

王元有罪廢遷房陵罷孝文太后孝昭太后寢園

二年春正月行幸甘泉郊泰畤三月行幸河東祠后

土益三河郡太守秩戶十二萬為大郡夏四月赦天

下六月立皇子興為信都王閏月丁酉太皇太后上

官氏崩冬十一月齊楚地震大雨雪樹折屋壞淮陽

王舅張博魏郡太守京房坐窺道諸侯王以邪意漏

泄省中語師古曰道博要斬房棄市

三年夏令三輔都尉大郡都尉秩皆二千石六月甲

辰丞相玄成薨師古曰秋使護西域騎都尉甘延壽

副校尉陳湯師古曰言延壽及湯本充西域之使故先言使而後序其官職及姓名

發

發戊巳校尉屯田吏士及西域胡兵攻郅支單于古師

曰橋與矯同矯託也實不奉詔詐以上命發兵故言

矯發也戊巳校尉者鎮安西域無常治處亦猶甲乙

等各有所方而戊與巳四季寄王故以名官也時有

尉處三十六國之中冬斬其首傳請京師縣蠻夷邸

門師古曰縣古懸字也蠻夷邸若今鴻臚官館

四年春正月以誅郅支單于告祠郊廟赦天下群臣

上壽置酒以其圖書示後宮貴人服虔曰詩郅支之

土地山川之形書夏四月詔曰朕承先帝之休烈師

客

初此稱觴上壽則其陳之功可無煩又不可

夙夜栗栗懼不克任問者陰陽不調五行

失序。百姓饑饉。惟蒸庶之失業。臨遣諫大夫博士賞
等二十一人。循行天下。師古曰行音上更反存問耆老鰥寡孤

獨乏困失職之人。舉茂才特立之士。相將九卿。其帥

意毋怠。使朕獲觀教化之流焉。六月甲申。中山王竟

薨。藍田地沙石雍。霸水安陵岸崩。雍涇水水逆流。孟康

曰安陵岸。惠帝陵旁涇水岸也。師古曰雍讀曰壅。

五年春三月。詔曰。蓋聞明王之治國也。明好惡而定

去就。崇敬讓而民興行。故法設而民不犯。令施而民

從。今朕獲保宗廟。兢兢業業。匪敢解怠。師古曰兢兢

也。解讀曰懈。德薄明曉。教化淺微。師古曰曉讀與暗同。傳不云虞百

姓有過。在予一人。師古曰論語載殷湯伐桀。告天下

其赦天下。賜民爵一級。女子百戶牛酒。三老孝弟力

田。帛。又曰。方春農桑興。百姓戮力自盡之時也。故是

月勞農勸民。無使後時。師古曰勞農謂慰勉之勞音來利反。今不良之

吏。覆案小罪。師古曰覆音力川反。徵召證案。興不急之事。以妨

百姓。使失一助之作。亡終歲之功。公卿其明察申勅

之。師古曰申重也。一曰約束之耳。夏六月庚申。復矣園。壬申晦。日有

蝕之。秋七月庚子。復太上皇寢廟園。原廟。昭靈后武

哀王昭哀后衛思后園。文穎曰高祖已自有廟在長安城中。惠帝更于渭北作廟。

謂之原廟。師古曰昭靈后高祖母也。武哀王高祖兄也。昭哀后高祖姊也。衛思后戾太子母也。

遂令罪已之詔不足為盛德事可以知君

竟寧元年師古曰此詔云邊垂長無兵革之春正月

匈奴虜韓邪單于來朝詔曰匈奴郅支單于背叛禮

義既伏其辜虜韓邪單于不忘恩德鄉慕禮義師古

讀曰復修朝賀之禮願保塞傳之無窮邊垂長無兵

革之事其改元為竟寧賜單于待詔掖庭王樞為閼

氏應劭曰郡國獻女未御見須命于掖庭故曰待詔

也蘇林曰閼氏音馬支如皇太子冠賜列侯嗣子爵

五大夫師古曰天下為父後者爵一級二月御史大

夫延壽卒師古曰即繁延壽也繁音蒲何反三月癸未復孝惠皇帝

寢廟園孝文太后孝昭太后寢園夏封騎都尉甘延

壽為列侯賜副校尉陳湯爵關內侯黃金百斤五月

壬辰帝崩于未央宮臣瓚曰帝年二十七即位毀太

上皇孝惠孝景皇帝廟罷孝文孝昭太后昭靈后武

哀王昭哀后寢園秋七月丙戌葬渭陵臣瓚曰自崩

五日渭陵在長安北五十六里也

贊曰臣外祖兄弟為元帝侍中應劭曰元成帝紀皆

彪自說也外語臣曰元帝多材藝善史書應劭曰周

祖金敞也史籀所鼓琴瑟吹洞簫如淳曰簫自度曲被歌聲應

作大篆曰自隱度作新曲因持新曲以為歌詩聲也荀悅曰

被聲能播樂也師古曰度音大各反被音皮義反

分判節度韋昭曰判切也謂能分切句絕為之節窮

制也師古曰韋說是也判音于本反

重評貶得含蓄史才史識兩到矣中及諸增屑正其無君德可禮也

后

極幼眇師古曰幼眇讀日要眇少而好儒及卽位徵用儒生委

之以政貢薛韋匡師古曰貢禹薛廣德韋迭師古曰衡迭互而為丞相為宰相

也迭音反而上牽制文義優游不斷師古曰為文義所牽制故不斷決

孝宣之業衰焉然寬弘盡下出于恭儉號令溫雅有

古之風烈

前漢書卷之十
成帝紀第十

前漢書卷之十
成帝紀第十

孝成皇帝荀悅曰諱驚字太孫驚之字曰俊應劭曰諡法安民立政曰成師古曰驚音五到反

元帝太子也母曰王皇后元帝在太子宮生甲觀書

堂應劭曰甲觀在太子宮甲地畫堂畫九子母師古曰甲者甲乙丙丁之次也元后傳言見於丙殿此

其例也而應氏以為在宮之甲地謬為世嫡皇孫宣

矣畫堂但畫飾耳豈必九子母乎帝愛之字曰太孫常置左右年三歲而宣帝崩元帝

卽位帝為太子壯好經書寬博謹慎初居桂宮師古曰三

輔黃圖桂宮在城中上嘗急召太子出龍樓門張晏

樓上有銅龍若白不敢絕馳道應劭曰馳道天子所行道也若今之中道

鶴飛廉之為名也成帝紀

西漢之亡由于成帝成帝之病語在元后傳外戚傳中而紀中其載徒文其耳非謹愼乃多疑也

師古曰絕西至直城門晉灼曰黃圖西出得絕乃度

還入作室門上遲之間其故以狀對上大說師古曰

悅乃著令令太子得絕馳道云師古曰言云者其後

幸酒樂燕樂晉灼曰幸酒好酒也師古曰幸酒晉說

樂樂驕樂樂逸遊樂燕樂上不以爲能而定陶恭王

有材藝母傅昭儀又愛幸上以故常有意欲以恭王

爲嗣賴侍中史丹護太子家輔助有力上亦以先帝

尤愛太子故得無廢竟寧元年五月元帝崩六月已

未太子即皇帝位謁高廟尊皇太后曰太皇太后皇

后曰皇太后以元舅侍中衛尉陽平侯王鳳爲大司

反復頻危
不惟狀成
帝之失德
而元帝優
柔無定斷
亦指點如
畫矣

十一
用

馬大將軍領尚書事乙未有司言乘輿車牛馬禽獸

皆非禮不宜以葬奏可七月大赦天下

建始元年春正月乙丑皇曾祖悼考廟災文穎曰宣

孫立故河間王弟上郡庫令良爲王如淳曰漢官北

器所藏有星孛於營室罷上林詔獄師古曰漢舊儀

治苑中禽獸宮二月右將軍長史姚尹等使匈奴還

館事屬水衡去塞百餘里暴風火發燒殺尹等七人賜諸侯王丞

相將軍列侯王太后公生王主吏二千石黃金張晏

子女曰公生秩北公也王生王之女也師古曰天

古曰王主則翁主也王自生婚故曰王主宗室諸官

吏千石以下至二百石及宗室子有屬籍者三老孝

弟力田。鰥寡孤獨，錢幣各有差。吏民五十戶，牛酒詔

曰：廼者火災降於祖廟，有星孛於東方。始正而虧，如

曰：言始即帝之正。咎孰大焉。師古曰：孰有大。書云：惟

先假王正厥事。師古曰：商書高宗彤日載武丁之臣。祖已之辭也。假至也。言先古至道之

君遭遇災變，則正其羣。公孜孜，帥先百寮，輔朕不逮。

師古曰：孜孜，不怠之意。孜孜，不怠之意。孜孜，不怠之意。孜孜，不怠之意。

師古曰：恕者，仁也。恕其大赦天下，使得自新。封舅諸

吏光祿大夫關內侯王崇為安成侯。應劭曰：百官表

勅職如御史中丞武帝初置，皆兼外官所。賜舅王譚、商

立根。逢時爵關內侯。夏四月，黃雲初四塞。博問公卿大

觀前後漢詔書于天

災異為王氏而見反增王氏之

以者耶

夫無有所諱。六月，有青蠅無萬數。師古曰：言其極多

而不可得。故集未央宮殿中朝者坐。服虔曰：公卿以

古曰：朝臣坐之在宮殿中者。秋，罷上林宮館，希御幸

也。服說是矣。坐音才。秋罷上林宮館，希御幸。承在上下

者二十五所。八月，有兩月相承，晨見東方。九月，戊子，流星光燭地。

也。應劭曰：案京房易傳云：君九月，戊子，流星光燭地。

長四五丈，委曲蛇形，貫紫宮。十二月，作長安南北郊。

罷甘泉汾陰祠。是日，大風拔甘泉時中大木十韋。以

上。師古曰：韋，與圍同。郡國被災，什四以上，毋收田租。師古曰：什四謂

田畝所收。十損其四。二年春，正月，罷雍五時。辛巳，上始郊祀長安南郊。詔

曰。廼者徙秦時后土於南郊北郊。朕親飭躬郊祀上

帝。師古曰。飭。整也。讀與勅同。皇天報應。神光並見。三輔長無共張。

繇役之勞。師古曰。共音居。用反。張音竹。亮反。謂供具。張說他皆類此。赦奉郊縣長

安長陵。應劭曰。天郊在長安城南地。郊在長安城北。長陵界中二縣有奉郊之勤。故一切並赦之。

及中都官耐罪徒。師古曰。中都官。京師請官府。減天下賦錢筭四

十。孟康曰。本筭百二十。今歲四十為八十。閏月以渭城延陵亭部為初

陵。二月詔三輔內郡舉賢良方正各一人。師古曰。內郡。謂非邊

郡。三月北宮井水溢出。辛丑上始祠后土于北郊丙

午立皇后許氏。師古曰。罷六廐技巧官。藝之技巧。非

倡樂之。技也。夏大旱東平王宇有罪削樊亢父縣。師古曰。樊及亢

父東平之二縣也。秋罷太子博望苑。文穎曰。武帝為

亢音抗。父音甫。令受賓客也。以賜宗室朝請者。師古曰。請音才。性反。減乘輿廐馬。

三年春三月赦天下徒賜孝弟力田爵二級諸逋祖

賦所振貸勿收秋關內大水七月虜上小女陳持弓

聞大水至走入橫城門關入尚方掖門。服虔曰。虜音

上地名在渭水邊陳姓也持弓名也無符籍妄入宮

曰關掖門者正門之旁小門也如淳曰。橫音光。三輔

皇圖北面西頭第一門師古曰。至未央宮鉤盾中吏

掖門在兩傍言如人臂掖也。民驚上城九月詔曰。廼者郡國被水災流殺人民多

至千數京師無故訛言大水至。師古曰。訛偽言。吏民驚恐奔

走乘城。師古曰。乘登也。殆苛暴深刻之吏未息元元寃失職

鍾人傑曰
闌入掖門
乃小女子
真奇駭

詔詞美妙
而不悟王
氏之禍大
失題旨

者衆師古曰職常也失其常業遣諫大夫林等循行天下師古曰

更冬十二月戊申朔日有蝕之夜地震未央宮殿中

詔曰蓋聞天生衆民不能相治爲之立君以統理之

君道得則草木昆蟲咸得其所師古曰昆衆也人君

不德謫見天地師古曰言天地見陵所以貴之災異婁發以告不治

也師古曰婁古屢字朕涉道日寡舉錯不中師古曰中

乃戊申日蝕地震朕甚懼焉公卿各思朕過失

明白陳之女無面從退有後言師古曰虞書益稷之

丞相御史與將軍列侯中二千石及內郡國舉賢良

重評道理
顯然何待
直諫亦文
真牙

方正能直言極諫之士詣公車朕將覽焉越嵩山

四年春罷中書宦官臣瓚曰漢初中人有中謁者今

元帝即位數年恭死顯代爲中書令專權用事至成

初置尚書員五人師古曰漢舊儀云尚書四

相御史事二千石尚書主刺史二千石事戶曹尚書

三公曹主夏四月雨雪師古曰音于具反五月

臨殺司隸校尉轅豐於殿中應劭曰豐爲長安令治

郡金隄師古曰金隄者河隄秋桃李實大水河決東

以河決不憂職自殺冬十月御史大夫尹忠

陳臨能殺
轅豐于殿
中已知漢
政之不綱
矣莽之竊
位何其遲
也

重評河平
改元談何
容易

觀元成哀
三主其詩

賦詞章經

學儘有可

觀儒生若

此儘可立

不備是通

顯帝上之

術毫相

涉前王以

此為教後

王以此為

學而國命

去矣

河平元年春三月詔曰河決東郡流漂二州師古曰

州之校尉王延世隄塞輒平堯州豫改元為河平賜天下

吏民爵各有差夏四月己亥晦日有蝕之既詔曰朕

獲保宗廟戰戰栗栗未能奉稱師古曰謂不傳曰男

教不修陽事不得則日為之蝕天著厥異辜在朕躬

公卿大夫其勉悉心以輔不逮師古曰悉盡百寮各

修其職惇任仁人退遠殘賊師古曰惇厚也遠陳朕

過失無有所諱大赦天下六月罷典屬國并大鴻臚

秋九月復太上皇寢廟園

二年春正月沛郡鐵官冶鐵飛語在五行志夏六月

去舅譚商立根逢時皆為列侯

三年春二月丙戌犍為地震山崩師古曰犍音其

江水逆流師古曰雍音壅其下皆同秋八月乙卯晦日有蝕之

光祿大夫劉向校中祕書師古曰言謁者陳農使使

求遺書於天下師古曰言令陳農為使而使之求遺

四年春正月匈奴單于來朝赦天下徒賜孝弟力田

爵二級諸適租賦所賑貸勿收二月單于罷歸國三

月癸丑朔日有蝕之遣光祿大夫博士嘉等十一人

行舉瀕河之郡師古曰巡行而舉其狀也瀕水厓也

又音賓傍水所毀傷困乏不能自存者財振貸師古

為效朝

與裁同謂量其其為水所流壓死不能自葬令郡國

等差而振貸之師古曰櫬積謂小已葬者與錢人二千

給櫬積葬埋棺櫬音衛積音讀避水宅郡國在所冗食之文穎曰冗散也散廩食使

如淳曰散著人間給食之官償其直也師謹遇以文

理無令失職師古曰勿使舉惇厚有行能直言之士

壬申長陵臨涇岸崩雍涇水夏六月庚戌楚王囂薨

山陽火生石中改元為陽朔

陽朔元年師古曰朔始也以火春二月丁未晦日有

蝕之三月赦天下徒冬京兆尹王章有罪下獄死

二年春寒詔曰昔在帝堯立羲和之官應劭曰尚書堯典曰乃命

王氏之根
不拔以殺
王章也

羲和羲氏和氏世掌天地之官命以四時之事令不失其序故者云

黎民於蕃時雍應劭曰黎衆也時是也雍和也言衆

虞書堯典之辭也今尚書作變而明以陰陽為本也

此紀作蕃兩說並通蕃音扶元反師古曰謂為所

今公卿大夫或不信陰陽薄而小之師古曰謂為所

奏請多違時政李奇曰時傳以不知周行天下師古

遞相因循以所不知之而欲望陰陽和調豈不謬哉

其務順四時月令三月大赦天下夏五月除吏八百

石五百石秩李奇曰除八百就六秋關東大水流民

欲入函谷天井壺口五阮關者勿苛留應劭曰天井

壺口在壺關五阮在代郡如淳曰阮音近遣諫大

和作化 而治日衰 示成皆然

第一王章 而不能 用 及殺之求 河益

夫博士分行視師古曰行八月甲申定陶王康薨尤音下更反

先王之業流布於天下也儒林之官四海淵源宜皆謂之博士否則學者無述焉為下所輕非所以尊道

德也工欲善其事必先利其器丞相御史其與中二謂之博士否則學者無述焉為下所輕非所以尊道

千石二千石雜舉可充博士位者使卓然可觀師古曰卓

然高遠是歲御史大夫張忠卒師古曰史不記其月

三年春三月壬戌隕石東郡八夏六月潁川鐵官徒

申屠聖等百八十人殺長吏盜庫兵自稱將軍經歷

九郡遣丞相長史御史中丞逐捕以軍典從事皆伏

辜師古曰逐捕之事須秋八月丁巳大司馬大將軍

王鳳薨四年春正月詔曰夫洪範八政以食為首師古曰洪

名箕子為周武王所說洪大也範法也斯誠家給刑

田青衰

卷十 成帝紀

時應劭曰東作耕也師古曰春位在東耕者始作故曰東作虞書堯典曰平秩東作其令二

千石勉勸農桑出入阡陌致勞來之師古曰阡陌田間道也南北曰

阡東西曰陌蓋秦時商鞅所開也勞來勸勉之意也勞音郎到反來音郎代反書不云乎服

田力嗇乃亦有秋應劭曰農夫服田厲其膂力乃有秋收也師古曰此商書盤庚之辭

其勗之哉二月赦天下秋九月壬申東平王宇薨閏

月壬戌御史大夫于永卒師古曰于定國子

鴻嘉元年春二月詔曰朕承天地獲保宗廟明有所

蔽德不能緩刑罰不中衆寃失職趨闕告訴者不絕

是以陰陽錯謬寒暑失序師古曰日月不光百姓蒙

辜朕甚閔焉師古曰蒙被也書不云乎即我御事罔克耆壽

元成之世屢赦而漢業浸衰此後人所以願帝慎無赦也

禹湯罪已其興也勃焉漢成罪已其亡也忽焉

咎在厥躬文穎曰此尚書文侯之命篇中辭也師古曰咎在厥躬平王自謂故帝引之以自責

耳方春生長時臨遣諫大夫理等師古曰天子舉三

輔三河弘農免獄公卿大夫部刺史明申勅守相稱

朕意焉其賜天下民爵一級女子百戶牛酒加賜鰥

寡孤獨高年帛逋貸未入者勿收壬午行幸初陵赦

作徒師古曰徒人之在陵作役者以新豐戲鄉為昌陵縣師古曰戲水之

鄉也音奉初陵賜百戶牛酒上始為微行出張晏曰許宜反

出從期門郎及私奴客十餘人白衣組幘單騎於後門

出入市里不復警蹕若微賤之所為故曰微行冬黃

龍見真定師古曰本趙國東垣縣也高祖十一年更名真定

二年春行幸雲陽三月博士行飲酒禮有雉蜚集于

微漸行

庭歷階升堂而雝師古曰蜚古飛字也後集諸府又

集承明殿師古曰未央宮中詔曰古之選賢傳納以言明試

以功師古曰傳讀曰敷敷陳也令其故官無廢事下

無逸民師古曰逸遁也教化流行風雨和時百穀用成衆庶

樂業咸以康寧朕承鴻業十有餘年數遭水旱疾疫

之災黎民婁困於飢寒師古曰婁而望禮義之興豈

不難哉朕既無以率道師古曰道帝王之道日以陵

夷師古曰陵丘陵也夷平也言其類替若丘陵之漸

皆類平也又曰陵遲亦言如丘陵之透遲稍卑下也他

此意迺招賢選士之路鬱滯而不通與將舉者未得其人也其舉敦厚有行義能直言者冀

之詔何益

聞切言嘉謀匡朕之不逮夏徙郡國豪桀資五百萬

以上五千戶于昌陵賜丞相御史將軍列侯公主中

二千石冢地第宅師古曰並於六月立中山憲王孫

雲客為廣德王

三年夏四月赦天下令吏民得買爵賈級千錢師古

讀曰大旱秋八月乙卯孝景廟關災冬十一月甲寅

皇后許氏廢廣漢男子鄭躬等六十餘人攻官寺篡

囚徒師古曰篡盜庫兵自稱山君

四年春正月詔曰數勅有司務行寬大而禁苛暴訖

今不改一人有辜舉宗拘繫農民失業怨恨者衆傷

詔令極盡
善矣

趙護弭變

趙氏一事
可以亡漢
矣且二事
相附而行
足知王趙
相倚為奸

有堯舜之
詔今而同
桀紂之敗
亡者成帝
為然原其
所以剛德
不足也

劉向疏罷
昌陵甚忠

害和氣水旱為災關東流冗者衆師古曰冗散失其
反青幽冀部尤劇朕甚痛焉未聞在位有惻然者孰
當助朕憂之已遣使者循行郡國師古曰行被災害
什四以上民貲不滿三萬勿出租賦音下更反通貸未入皆勿
收流民欲入關輒籍內師古曰錄其所之郡國謹遇
以理師古曰務有以全活之思稱朕意秋勃海清河
河溢被災者振貸之冬廣漢鄭躬等黨與寢廣師古
古浸字犯歷四縣衆且萬人拜河東都尉趙護為廣
漢太守發郡中及蜀郡合三萬人擊之或相捕斬除
罪師古曰賊黨相捕斬旬月平遷護為執金吾賜黃
而師古曰賊黨相捕斬而來者赦其本罪

金百斤

永始元年春正月癸丑太官凌室火師古曰藏戊午

戾后園闕火夏四月封婕妤趙氏師古曰藏陵為成陽侯五

月封舅曼子侍中騎都尉光祿大夫王莽為新都侯

六月丙寅立皇后趙氏師古曰趙飛燕也即大赦天

下秋七月詔曰朕執德不固謀不盡下師古曰言不

過聽將作大匠萬年師古曰過誤也言昌陵三年可

成作治五年中陵司馬殿門內尚未加功臣贊曰天

中無司馬殿門也此謂陵上寢殿及司馬門也時皆

未作之故曰尚未加功師古曰中陵陵中正寢也司

馬殿門內天下虛耗師古曰耗損百姓罷勞師古曰

疲客土疏惡服虔曰取他處土以增高為客土也終不可成朕惟其難

怛然傷心師古曰惟思也夫過而不改是謂過矣其罷昌陵

及故陵勿徙吏民今天下毋有動搖之心立城陽孝

王子俚為王如淳曰俚音里八月丁丑太皇太后王氏崩師古

曰宣帝王皇后也

二年春正月己丑大司馬車騎將軍王音薨二月癸

未夜星隕如雨乙酉晦日有蝕之詔曰乃者龍見于

東萊日有蝕之天著變異以顯朕郵師古曰郵與尤同謂過也朕

甚懼焉公卿申勅百寮深思天誠有可省減便安百

姓者條奏所振貸貧民勿收又曰關東比歲不登師古

曰比填也吏民以義收食貧民入穀物助縣官賑贍者已

賜直師古曰收食貧人謂收取而養食之助縣官振贍謂出物以助郡縣之官也已賜直謂官賜其

所費直也今方更加爵其百萬以上加賜爵右更師古

及免賦耳食讀曰飢欲為吏補三百石其吏也遷二等師古

曰第十四爵也更音工行反三十萬以上賜爵五大夫師古曰第九爵也吏

曰先已為吏亦遷二等民補郎十萬以上家無出租賦三歲萬錢

以上一年冬十一月行幸雍祠五時十二月詔曰前

將作大匠萬年知昌陵卑下不可為萬歲居奏請營

作建置郭邑妄為巧詐積土增高多賦歛繇役興卒

暴之作師古曰猝謂急也卒徒蒙辜死者連屬師古曰屬音之欲反

師古曰屬音之欲反

百姓罷極天下匱竭師古曰罷讀曰疲常侍閔前為

大司農中丞數奏昌陵不可成師古曰閔也侍中衛尉

長數白宜早止徙家反故處師古曰長也朕以長言下

閔章如淳曰以衛尉長數白罷故因下閔公卿議者

合長計首建至策閔典主省大費師古曰司農中丞主錢穀顧庸

故云民以康寧閔前賜爵關內侯食邑千戶閔五百

戶萬年佞邪不忠毒流眾庶海內怨望至今不息雖

蒙赦令不宜居京師其徙萬年敦煌郡是歲御史大

夫王駿卒師古曰王吉之子也

三年春正月己卯晦日有蝕之詔曰天災仍重朕甚

凌本關內侯下有黃金百斤其賜長爵關內侯十一字

懼焉師古曰仍頰也惟民之失職師古曰失其常業也臨遣大

中大夫嘉等循行天下師古曰行音下存問耆老民所疾

苦其與部刺史舉惇樸遜讓有行義者各一人冬十

月庚辰皇太后詔有司復甘泉泰畤汾陰后土雍五

畤陳倉陳寶祠師古曰陳寶祠在陳倉語在郊祀志十一月尉

氏男子樊並等十三人謀反師古曰尉氏陳留之縣殺陳留太

守劫掠吏民自稱將軍徒李譚等五人共格殺並等

皆封為列侯十二月山陽鐵官徒蘇令等二百二十

八人攻殺長吏盜庫兵自稱將軍經歷郡國十九殺

東郡太守汝南都尉遣丞相長史御史中丞持節督

民變

成帝自佞倖外戚而外亦有小善

李譚等嚴
訢弭變

趣逐捕師古曰促汝南太守嚴訢捕斬令等師古曰訢與欣

同令師古曰遷訢為大司農賜黃金百斤

四年春正月行幸甘泉郊奉時神光降集紫殿太赦

天下賜雲陽吏民爵女子百戶牛酒鰥寡孤獨高年

帛三月行幸河東祠后土賜吏民如雲陽行所過無

出田租夏四月癸未長樂臨華殿未央宮東司馬門

皆災師古曰東面六月甲午霸陵園門闕災出杜陵

諸未嘗御者歸家詔曰廼者地震京師火災婁降師古曰

日婁古師古曰朕甚懼之有司其悉心明對厥咎師古曰朕

將親覽焉又曰聖王明禮制以序尊卑異車服以章

有德雖有其財而無其尊不得踰制故民興行師古曰

音下上義而下利師古曰以義為方今世俗奢僭罔

極師古曰罔無也靡有厭足公卿列侯親屬近臣

四方所則師古曰未聞修身遵禮同心憂國者也或

廼奢侈逸豫務廣第宅治園池多畜奴婢被服綺縠

音皮義反師古曰設鐘鼓備女樂車服嫁娶葬埋過制吏民

慕效寔以成俗師古曰而欲望百姓儉節家給人足

豈不難哉詩不云乎赫赫師尹民具爾瞻師古曰小

之詩也赫赫盛貌也師古曰尹尹氏為太師師古曰小

之官也言居位甚高備為眾庶所瞻仰師古曰其申勅有司

以漸禁之師古曰謂青綠民所常服且勿止師古曰然則禁

方所則天

子為群工

所則帝舜

合德修麗

無度何以

責臣下

豈特西漢

之敝寔古

今之通敝

鍾人傑曰

漢世猶聞
此詔蕩檢
踰閑今日
何所底止
也哉

紅紫列侯近臣各自省改師古曰省視也視而改之

之屬論語稱曾子曰吾日三省身吾司隸校尉察不變者秋七月辛未晦日有蝕之

元延元年春正月己亥朔日有蝕之三月行幸雍祠

五時夏四月丁酉無雲有雷聲光耀耀四面下至地

昏止赦天下秋七月有星孛于東井詔曰迺者日蝕

星隕謫見于天大異重仍師古曰仍頻也在位默然

罕有忠言今孛星見于東井朕甚懼焉公卿大夫博

士議郎其各悉心惟思變意明以經對無有所諱與

內郡國舉方正能直言極諫者各一人師古曰令公

各舉北邊二十二郡舉勇猛知兵法者各一人封蕭

相國後喜為鄼侯冬十二月辛亥大司馬大將軍王

商薨是歲昭儀趙氏害後宮皇子師古曰趙

二年春正月行幸甘泉郊泰畤三月行幸河東祠后

土夏四月立廣陵孝王子守為王冬行幸長楊宮從

胡客大校獵師古曰此校謂以木自相貫穿為闌校

義也校獵者大為闌校以遮禽獸而獵取也宿資陽

宮師古曰賜從官

三年春正月丙寅蜀郡岷山崩師古曰岷雍江三日

江水竭二月封侍中衛尉淳于長為定陵侯三月行

幸雍祠五時

何嘗無繼嗣但自殺之耳

望凌本作恨

天下統于一恐其恨

四年春正月行幸甘泉郊泰畤二月罷司隸校尉官
三月行幸河東祠后土甘露降京師賜長安民牛酒
綏和元年春正月大赦天下二月癸丑詔曰朕承太
祖鴻業奉宗廟二十五年德不能綏理宇內百姓怨
望者衆不蒙天祐至今未有繼嗣天下無所係心觀
于往古近事之戒禍亂之萌皆由斯焉師古曰始定
陶王欽於朕為子慈仁孝順可以承天序繼祭祀其
立欣為皇太子封中山王舅諫大夫馮參為宜鄉侯
益中山國三萬戶以慰其意師古曰以不得繼統為帝之後恐其怨恨賜
諸侯王列侯金天下當為父後者爵三老孝弟力田

皆凌本作各

盛寧

帛各有差又曰蓋聞王者必存二王之後所以通三
統也師古曰天地人是為三統二王之後并已為三昔成湯受命列為三代

師古曰夏殷周是為三代而祭祀廢絕考求其後莫正孔吉臣瓚曰無
若孔吉其封吉為殷紹嘉侯三月進爵為公及周承
最正也其封吉為殷紹嘉侯三月進爵為公及周承
休侯皆為公地皆百里行幸雍祠五畤夏四月以大

司馬驃騎大將軍為大司馬文穎曰罷將軍官御史

大夫為大司空封為列侯益大司馬大司空奉如丞

相如淳曰律丞相大司馬大將軍奉錢月六萬御史大夫奉月四萬也秋八月庚戌中

山王興薨冬十一月立楚孝王孫景為定陶王定陵

侯淳于長大逆不道下獄死廷尉孔光使持節賜貴

人許氏藥飲藥死師古曰即前所廢皇后許氏也十二月罷部刺史

更置州牧秩二千石

二年春正月行幸甘泉郊泰畤二月壬子丞相翟方

進薨三月行幸河東祠后土丙戌帝崩于未央宮臣贊

曰帝年二十即位即位二十六年壽四十六皇太后詔

有復長安南北郊四月己卯葬延陵臣瓚曰自崩至葬凡五十四日

延陵在扶風去長安六十二里

贊曰臣之姑充後宮為婕妤晉灼曰班彪之姑也父子昆弟侍

帷幄數為臣言戒帝善修容儀升車正立不內顧不

疾言不親指師古曰不內顧者謂儼然端嚴不迴盼也不疾言者為輕肆也不親指者為惑

有下脫司字

畫出一個木偶人來傳神之筆

班氏十二帝紀與司馬氏帝紀

司馬帝紀以異代人

修前代史故可記惡以垂試可

志善以揚功而班氏以漢臣修漢史諛不付不有所

下也此三句者本論語鄉黨篇述孔子之事故班氏引之以美成帝今論語云車中不內顧不疾言不親指內顧者說者以為前視不過衡軛旁臨朝淵嘿尊視不過轉較與此不同轉音於綺反師古曰禮記云天嚴若神可謂穆穆天子之容者矣子穆穆諸侯皇皇

大夫濟濟士踰博覽古今容受直辭公卿稱職奏議

可述師古曰稱職克當其任也可述言有文采遭世承平上下和睦然湛

于酒色師古曰讀曰耽趙氏亂內外家擅朝言之可為於

邑師古曰於邑短氣貌讀如本字於建始以來王氏

始執國命哀平短祚莽遂篡位蓋其威福所由來者

漸矣

漸矣

前漢書卷之十一

哀帝紀第十一

孝哀皇帝

荀悅曰諱欣之字曰喜
應劭曰恭仁短折曰哀

元帝庶孫定陶恭

王子也母曰丁姬年三歲嗣立為王長好文辭法律

師古曰年長而好之

元延四年入朝盡從傅相中尉

師古曰三官皆從主

入朝時成帝少弟中山孝王亦來朝獨從傅上怪之以

問定陶王對曰令諸侯王朝得從其國二千石傅相

中尉皆國二千石故盡從之上令誦詩通習能說

其義他日問中山王獨從傅在何法令不能對令誦

尚書文廢師古曰及賜食於前後飽起下鞮係解

是時王氏之勢已成而莽之篡尚伏非大有為之才不能濟也帝雖有權之志而寵信幸臣失德彰矣何能有為

鍾人傑曰寫兩王眉目儼然可謂筆中有畫

敘事詳而

鐘人傑曰后

欲自結帝亦

自美曲盡當

時情事

越天位何

矣他何

說哉夫微

之為太子

而遜謝固

讓何其知

也以四海

而博一董

賢之權又

何愚也漢

曰食而獨在後飽及起而成帝由此以為不能而賢

又韞係解也韞音武伐反

定陶王數稱其材時王祖母傳太后隨王來朝私賂

遺上所幸趙昭儀及帝舅驃騎將軍曲陽侯王根昭

儀及根見上亡子亦欲豫自結為長久計皆更稱定

陶王勸帝以為嗣師古曰更成帝亦自美其材為加

元服而遣之師古曰時年十七矣明年使執金吾任

宏守大鴻臚持節徵定陶王立為皇太子謝曰臣幸

得繼父守藩為諸侯王材質不足以假克太子之宮

順神祇宜蒙福祐子孫千億之報師古曰大雅假樂

師古曰謙不敢言為太陛下聖德寬仁敬承祖宗奉

若此

子孫千億言成王宜眾宜入天所保祐求得福祿臣

願且得留國邸旦夕奉問起居俟有聖嗣歸國守藩

書奏天子報聞後月餘立楚孝王孫景為定陶王奉

恭王祀所以獎厲太子專為後之誼師古曰獎語在

外戚傳綏和二年三月成帝崩四月丙午太子即皇

帝位謁高廟尊皇太后曰太皇太后皇后曰皇太后

大赦天下賜宗室王子有屬者馬各一駟師古曰有

盡尚有吏民爵百戶牛酒三老孝弟力田鰥寡孤獨

帛太皇太后詔尊定陶恭王為恭皇五月丙戌立皇

后傳氏師古曰詔曰春秋毋以子貴尊定陶太后曰

哀帝紀

種行立言之宜慎如此

恭皇太后丁姬曰恭皇后各置左右詹事食邑如長

信宮中宮應劭曰成考母王太后居長信宮李奇曰

皇后追尊傳父為崇祖侯丁父為褒德侯師古曰傳

之宮師古曰傳太后之父丁父封舅丁明為陽安侯舅子滿為平周侯

追謚滿父忠為平周懷侯皇后父晏為孔鄉侯皇太

后弟侍中光祿大夫趙欽為新成侯六月詔曰鄭聲

淫而亂樂師古曰鄭國有漆洧之水男女聖王所放

師古曰放棄也論語其罷樂府曲陽侯根前以大司

稱孔子曰放棄鄭聲師古曰王根也建太僕安

馬建社稷策益封二千戶師古曰王根也建及丞相孔

陽侯舜輔導有舊恩益封五百戶師古曰王舜

光天司空汜鄉侯何武益封各千戶師古曰汜音汎詔曰河

間王良喪太后三年為宗室儀表師古曰儀表者言

益封萬戶又曰制節謹度以防奢淫為政所先百王

不易之道也師古曰言為常諸侯王列侯公主吏二

千石及豪富民多畜奴婢田宅亡限與民爭利百姓

失職重困不足師古曰失職失其常其議限列師古

條列而有司條奏諸王列侯得名田國中列侯在長

安及公主名田縣道關內侯吏民名田皆無得過三

十頃如淳曰名田國中者自其所食國中既收其

租稅又自得私田三十頃名田縣道者令甲

諸侯在國名田他縣罰金二兩今列侯有不之國者

雖遙食其國租稅復自得田於他縣道公主亦如之

署世

不得過三十項諸侯王奴婢二百人列侯公主百人關內侯

吏民三十人年六十以上十歲以下不在數中賈人

皆不得名田為吏如淳曰市井子孫不得為吏見食貨志犯者以律論

諸名田畜奴婢過品皆沒入縣官齊三服官諸官織

綺繡難成害女紅之物皆止無作輪師古曰謂未成者不作已成者

不輪除任子令及誹謗詆欺法應劭曰任子令者漢儀注吏二千石以上

視事滿三年得任同產若子一人為郎不以德選故除之師古曰任者保也詆詆也音丁禮反掖庭

宮人年三十以下出嫁之官奴婢五十以上免為庶

人禁郡國無得獻名獸益吏三百石以下奉師古曰奉音扶

察吏殘賊酷虐者以時退有司無得舉赦前往事

博士弟子父母死予寧三年師古曰寧謂處家持喪服秋曲陽侯

王根成都侯王況皆有罪根就國況免為庶人歸故

郡詔曰朕承宗廟之重戰戰兢兢懼失天心聞者日

月亡光五星失行郡國比比地動師古曰比比猶言頻頻也迺者

河南潁川郡水出流殺人民壞敗廬舍朕之不德民

反蒙辜朕甚懼焉已遣光祿大夫循行舉籍師古曰舉其名

籍也行音賜死者棺錢人三千師古曰賜錢三千以充棺其令水

所傷縣邑及他郡國災害什四以上民貲不滿十萬

皆無出今年租賦師古曰什四謂什分損四

建平元年春正月赦天下侍中騎都尉新成侯趙欽

漢富庶每於詔書徵之

成陽侯趙訢皆有罪免為庶人徙遼西師古曰訢欽

太皇太后詔外家王氏田非冢塋皆以賦貧民師古曰訢

曰塋冢域也賦給與也塋音營二月詔曰蓋聞聖王之治以得賢為

首其與大司馬列侯將軍中二千石州牧守相舉孝

弟悃厚能直言通政事延于側陋可親民者各一人

師古曰言有孝弟悃厚直言通政也之人雖在側陋可延致而任者皆令舉之三月賜諸侯

王公主列侯丞相將軍中二千石中都官郎吏金錢

帛各有差冬中山孝王太后媛師古曰馬奉世弟宜

鄉侯馮參有罪皆自殺

二年春三月罷友司空復御史大夫師古曰復音扶

夏四月詔曰漢家之制推親親以顯尊尊師古曰天

當極尊號定陶恭皇之號不宜復稱定陶尊恭皇太后曰

帝太太后稱永信宮恭皇后曰帝太后稱中安宮立

恭皇廟于京師赦天下徒罷州牧復刺史六月庚申

帝太后丁氏崩上曰朕聞夫婦一體詩云穀則異室

死則同穴師古曰詩王風大車之昔季武子成寢杜

氏之殯在西階下請合葬而許之師古曰季武子魯

復新為寢室也附葬之禮自周興焉師古曰禮記稱

事見禮記檀弓附葬之禮自周興焉師古曰禮記稱

古也自周公以來未之有改也郁郁乎文哉吾從周師古曰論語稱

二代郁郁乎文哉吾從周言周觀視夏殷之禮孝子

事亡如事存帝太后宜起陵恭皇之園遂葬定陶發

陳留濟陰近郡國五萬人穿復土師古曰為冢壙待

詔夏賀良等言赤精子之識應劭曰諸以材技徵召

姓也賀良名也高祖感赤龍而生自漢家歷運中衰

當再受命宜改元易號詔曰漢興二百載歷數開元

皇天降非材之佑應劭曰哀帝自言漢國再獲受命

之符朕之不德曷敢不通夫基寧之元命必與天下

自新師古曰基始也元大也始為大事之其大赦天

下以建平二年為太初元將元年號曰陳聖劉太平

皇帝如淳曰陳舜後王莽陳之後謬語以明莽當篡

是也漏刻以百二十為度師古曰舊漏晝夜共百

人耳忠可所造今賀良等重七月以渭城西北原上

永陵亭部為初陵勿徙郡國民使得自安八月詔曰

待詔夏賀良等建言改元易號增益漏刻可以永安

國家朕過聽賀良等言師古曰冀為海內獲福卒亡

嘉應皆違經背古不合時宜六月甲子制書非赦令

也皆蠲除之臣瓚曰改元易號大赦天下以求延祚

赦罪事皆除之謂改制易號令皆復故也師古曰瓚

說矣非赦令也猶言自非赦令耳也語終辭也而

讀者不曉輒改也賀良等反道惑眾下有司皆伏辜

丞相博御史大夫玄孔鄉侯晏有罪師古曰博朱博

博自殺。玄減死二等論。晏削戶四分之一。**語在博傳**

三年春正月立廣德夷王弟廣漢為廣平王。癸卯帝

太太后所居桂宮正殿火。三月己酉丞相當薨。師古曰平

當有星孛于河鼓。夏六月立魯頃王子郿鄉侯閔為

王。蘇林曰郿音魚縣名也。屬東海師古曰又音吾冬十一月壬子復其泉泰

時汾陰后土祠罷。南北郊東平王雲雲后謁安成恭

侯夫人放。文穎曰恭侯王崇王太后弟皆有罪雲自殺謁放棄市。

四年春大旱關東民傳行西王母籌。師古曰西王母元后壽考之象

行籌又言執國家籌策行於天下經歷郡國西入關至京師民又會

衆祠西王母或夜持火上屋。李奇曰皆陰為陽之象擊鼓號呼

相驚恐。師古曰呼音火故反二月封帝太太后從弟侍中傅商

為汝昌侯。太后同母弟子侍中鄭業為陽信侯。三月

侍中駙馬都尉董賢光祿大夫息夫躬南陽太守孫

寵皆以告東平王封列侯。**語在賢傳**夏五月賜中二

千石至六百石及天下男子爵。六月尊帝太太后為

皇太太后。秋八月恭皇園北門災。冬詔將軍中二千

石舉明兵法有大慮者。師古曰慮謂謀策思慮

元壽元年春正月辛丑朔日有蝕之。詔曰朕獲保宗

廟不明不敏宿夜憂勞未皇寧息。師古曰皇暇也惟陰陽不

調元元不贍。師古曰贍足也未睹厥咎婁敕公卿庶幾有望。

此詔頗與
王氏有妨
所謂君不
密則失臣

哀帝所謂
仁人者其
在董賢乎

師古曰望其屬精

至今有司執法未得其中

師古曰中音竹

為治喪古屢字。或上暴虐假執獲名温良寬柔陷於亡滅是故殘

賊彌長和睦日衰百姓愁怨靡所錯躬師古曰錯置也音干故反

迺正月朔日有蝕之厥咎不遠在余一人公卿大夫

其各悉心勉帥百寮師古曰悉盡也寮官也敦任仁人黜遠殘

賊師古曰敦厚也期於安民陳朕之過失無有所諱

其與將軍列侯中二千石舉賢良方正能直言者各

一人大赦天下丁巳皇太后傅氏崩三月丞相嘉

有罪下獄死師古曰王嘉秋九月大司馬驃騎將軍丁明

免孝元廟殿門銅龜蛇鋪首鳴如淳曰門鋪首作龜蛇之形而鳴乎也師

古曰門之鋪首所以銜

環者也鋪音普胡反

元壽二年春正月匈奴單于烏孫大昆彌來朝二月

歸國單于不說師古曰說讀曰悅語在匈奴傳夏四月壬辰

晦日有蝕之五月正三公官分職大司馬衛將軍董

賢為大司馬丞相孔光為大司徒御史大夫彭宣為

大司空封長平侯正司直司隸造司寇職師古曰司直司隸漢

舊有之但改正其職掌而司寇舊無今特創置故云造也事未定六月戊午帝崩

于未央宮臣瓚曰帝年二十即位即位六年壽二十

秋九月壬寅葬義陵臣瓚曰自崩至葬凡百五十六里

贊曰孝哀自為藩王及克太子之宮文辭博敏幼有

令聞師古曰博廣也敏疾也暗孝成世祿去王室權柄

外移是故臨朝婁誅大臣欲彊主威以則武宣師古曰則

也法雅性不好聲色時覽卞射武戲蘇林曰手搏為卞

灼卞日其延壽傳卽位痿痺蘇林曰痿音萎枯之萎如

兩足不能相過日痿師古曰痿亦痺病也音人佳反

痺音必寐反躪音踳者音名事見晉令躪音煩踳音癘

末年瀆劇師古曰瀆漸也饗國不末哀哉

佳鍾本作圭

前漢書卷之十一 終

前漢書卷之十二

平帝紀第十二

孝平皇帝荀悅曰諱循之字曰樂應劭曰布元帝庶

孫中山孝王子也母曰衛姬年三歲嗣立為王元壽

二年六月哀帝崩太皇太后詔曰大司馬賢年少不

合眾心師古曰其上印綬罷賢即日自殺新都侯王

莽為大司馬領尚書事秋七月遣車騎將軍王舜大

鴻臚左咸使持節迎中山王師古曰為使而持辛卯

貶皇太后趙氏為孝成皇后退居北宮哀帝皇后傳

氏退居桂宮師古曰北宮及桂宮皆在孔鄉侯傅晏

前漢書 卷十二 平帝紀

閏五紀年 紛紛舉動 篡奪之形 摹寫如畫 莽作威止 此數事後 皆市恩矣

少府董恭等皆免官爵徙合浦師古曰恭董賢之父九月辛酉

中山王卽皇帝位謁高廟大赦天下帝年九歲太皇

太后臨朝大司馬莽秉政百官總已以聽於莽師古曰聚

東曰總詔曰夫赦令者將與天下更始誠欲令百姓

改行絜已全其性命也往者有司多舉奏赦前事累

增罪過誅陷亡辜殆非重信慎刑酒心自新之意也

師古曰酒滌及選舉者其歷職更事有名之士則以

為難保師古曰更經也難保者言已嘗廢而弗舉甚

謬於赦小過舉賢材之義諸有臧及內惡未發而薦

舉者皆勿案驗師古曰有臧謂令士厲精鄉進師古曰鄉

士大夫可無保全性命之憂

冰寬

讀曰不以小疵妨大材師古曰疵病也自今以來有司無得

陳赦前事置奏上師古曰置立也置奏上謂立有不

如詔書為虧恩以不道論定著令布告天下使明知

之

元始元年春正月越裳氏重譯獻白雉一黑雉二師古曰

曰越裳南方遠國也譯謂傳言也道詔使三公以薦

宗廟羣臣奏言大司馬莽功德比周公賜號安漢公

及太師孔光等皆益封語在莽傳賜天下民爵一級

吏在位二百石以上一切滿秩如真師古曰時諸官

非常之恩令如真耳非凡除吏皆當試守也一切者

有前詔自有此等舉動

孝平九歲而踐天位十四而飲毒酒卽神

聖安所作
為哉故平
本紀王莽
外傳也其
物極謀篡
儘有條理
但工于摹
而不工為
天子也乃
知篡逆之
人自有篡
逆之才天
子自有天
子之器莽
亦枉費心
矣

長並縱橫故言立故東平王雲太子開明為王故桃

鄉頃侯子成都為中山王封宣帝耳孫信等三十六

人皆為列侯太僕王暉等二十五人師古曰暉音於吻反前議

定陶傅太后尊號守經法不阿指從邪右將軍孫建

爪牙大臣大鴻臚咸前正議不阿師古曰左咸後奉節使

迎中山王師古曰謂奉持節而為使及宗正劉不惡執金吾任崇

中郎將孔永尚書令姚恂沛郡太守石詡師古曰詡音上林反

皆以前與建策東迎即位師古曰帝本在中山出關而迎

與讀曰豫奉事周密勤勞賜爵關內侯食邑各有差

賜帝徵即位前所過縣邑吏二千石以下至佐史爵

各有差又令諸侯王公列侯關內侯亡子而有孫若

子同產子者皆得以為嗣師古曰子同產子者謂公養昆弟之子為子者

列侯嗣子有罪耐以上先請宗室屬未盡而以罪絕

者復其屬師古曰復音扶日反其為吏舉廉佐史補四百石師古

而依廉吏遷之為佐史者例補四百石師古曰秩天下吏比二

千石以上年老致仕者參分故祿以一與之終其身

師古曰遣諫大夫行三輔師古曰行音下更反舉籍吏民張晏曰舉

錄賦歛之以元壽二年倉卒時橫賦歛者償其直師古曰

日卒讀曰音胡孟反義陵民冢不妨殿中者勿發師古曰殿

象正天下吏舍亡得置什器儲侍師古曰軍法五人為伍二伍為什則

有此舉動
頌莽德者
恐得不多

復衣自出

元成文具
復為王莽
文具矣

孫凌本作子

為不美

外家市瘞

共其器物故通謂生生之具為什器亦猶今之從軍
及作役者十人為火共畜調度也儲積也待具也待

音文二月置義和官秩二千石外史問師秩六百石

應劭曰周禮問師掌四班教化禁淫祀放鄭聲乙未

義陵復神衣在柙中丙申旦衣在外床上文穎曰哀

在復中今自出在牀上復令以急變聞師古曰非常

變用太牢祠夏五月丁巳朔日有蝕之大赦天下公

卿將軍中二千石舉敦厚能直言者各一人六月使

少傅左將軍豐師古曰甄豐賜帝母中山孝王姬璽書拜

為中山孝王后賜帝舅衛寶寶弟玄爵關內侯賜帝

女弟四人號皆曰君食邑各二千戶封周公後公孫

相如為褒魯侯孔子後孔均為褒成侯奉其祀追謚

孔子曰褒成宣尼公罷明光宮及三輔馳道天下女

徒已論歸家顧山錢月三百如淳曰已論者罪已定

徒六月顧山遣歸說以為當於山伐木聽使入錢顧

上直故謂之顧山師古曰如說近之謂女徒論罪已

定並放歸家不親役之但令一月出錢三百以顧人

也為此恩者所以行太皇太后之德施惠政於婦人

復貞婦鄉一人師古曰復音方日反置少府海丞果

丞各一人師古曰海丞主海稅大司農部丞十三人

人部一州勸農桑太皇太后省所食湯沐邑十縣屬

大司農常別計其租入以贍貧民秋九月赦天下徒

以中山苦陘縣為中山孝王后湯沐邑師古曰陘音形

二年春黃支國獻犀牛。應劭曰黃支在日南之南去京師三萬里師古曰犀狀如

水牛頭似猪而四足類象黑色 詔曰皇帝二名通于

制。師古曰更師古曰使太師光奉太牢告祠高廟夏四月立代

孝王玄孫之子如意為廣宗王江都易王孫盱台侯

宮為廣川王。師古曰盱音怡廣川惠王曾孫倫為廣

德王封故大司馬博陸侯霍光從父昆弟曾孫陽宣

平侯張敖玄孫慶忌絳侯周勃玄孫共舞陽侯樊噲

玄孫之子章皆為列侯復爵。師古曰共讀曰恭復音扶福反賜故曲

周侯酈商等後玄孫酈明友等百一十三人爵關內

侯食邑各有差郡國大旱蝗青州尤甚民流亡安漢

公四輔三公卿大夫吏民為百姓困乏獻其田宅者

二百三十人。張晏曰王莽為太傅孔光為太師王舜為太保甄豐為少傅是為四輔莽復兼

大司馬馬宮為司徒王崇為司空是為三公以口賦貧民。師古曰計口而給其田宅遣

使者捕蝗民捕蝗請吏以石斗受錢。師古曰量蝗天

下民貲不滿二萬及被災之郡不滿十萬勿租稅民

疾疫者舍空邸第為置醫藥。師古曰賜死者一家六

尸以上葬錢五千四尸以上三千二尸以上二千罷

安定呼淹苑以為安民縣。師古曰中山之安起官寺

市里募徙貧民縣次給食至徙所賜田宅什器假與

前漢書 卷十二 平帝紀

師古曰中山之安起官寺

師古曰中山之安起官寺

師古曰中山之安起官寺

師古曰中山之安起官寺

犁牛種食師古曰種音之勇反又起五里於長安城中宅二百

區以居貧民如淳曰民居之里秋舉勇武有節明兵法郡一

人詣公車九月戊申晦日有蝕之赦天下徒使謁者

大司馬掾四十四人持節行邊兵師古曰行音下更反遣執金

吾候陳茂假以鉦鼓音灼曰百官表執金吾屬官有兩丞侯司馬應劭曰將帥乃有

鉦鼓今茂官輕兵少又但往論曉之耳所以假鉦鼓

者欲重其威也鉦者競也似鈴柄中上下通師古曰音女交反募汝南南陽勇敢吏士三百人論說江湖

賊成重等二百餘人皆自出送家在所收事師古曰言身既

自出又各送其家人詣重徙雲陽服虔曰重成重也本屬縣邑從賦役耳作賊長帥故徙之

也賜公田宅冬中二千石舉治獄平歲一人李奇曰吏治獄

平端也

三年春詔有司為皇帝納采安漢公莽女師古曰婚禮有納采

問名之禮謂采擇其可娶者語在莽傳又詔光祿大夫劉歆等雜

定婚禮四輔公卿大夫博士郎吏家屬皆以禮娶親

迎立輅併馬服虔曰輅音謹立乘小車也併馬驪駕也史臣不教也師古曰新定此制也併音步聘反

夏安漢公奏車服制度吏民養生送終嫁娶奴婢田

宅器械之品立官稷及學官師古曰初立官稷於官社之後是為一處今更

創置建於別郡國曰學縣道邑侯國曰校校學置經

師一人鄉曰庠聚曰序張晏曰聚邑落名也師古曰聚小於鄉聚音才喻反序

庠置孝經師一人陽陵任橫等自稱將軍盜庫兵攻

官寺出囚徒大司徒掾督逐皆伏辜安漢公世子宇與帝外家衛氏有謀宇下獄死誅衛氏

四年春正月郊祀高祖以配天宗祀孝文以配上帝

改殷紹嘉公曰宋公周承休公曰鄭公詔曰蓋夫婦

正則父子親人倫定矣前詔有司復貞婦歸女徒師古曰

曰復音反誠欲以防邪辟師古曰辟讀曰僻全貞信及既悼之

方曰反人師古曰八十曰眊七年曰悼眊者老稱言其昏暗也悼者未成爲人於其死亡可哀悼也眊音莫報

反刑罰所不加聖王之所制也惟苛暴吏多拘繫犯

法者親屬婦女老弱搆怨傷化百姓苦之師古曰其搆結也

明敕百寮婦女非身犯法及男子年八十以上七歲

以下家非坐不道詔所名捕它皆無得繫張晏曰各捕謂下詔

時所捕也其當驗者卽驗問師古曰就其所居而問定著令二月丁

未立皇后王氏大赦天下遣太僕王憚等八人置副

假節分行天下覽觀風俗師古曰行音下更反賜九卿已下至

六百石宗室有屬籍者爵自五大夫以上各有差師古曰

日五大夫第九爵賜天下民爵一級鰥寡孤獨高年帛夏皇

后見于高廟加安漢公號曰宰衡應劭曰周公爲太宰伊尹爲阿衡采

伊周之尊賜公太夫人號曰功顯君封公子安臨皆

爲列侯安漢公奏立明堂辟廡應劭曰明堂所以正四時出教化明堂上

園下方八窗四達布政之宮在國之陽上八窗法入風四達法四時九室法九州十二重法十二月三十

六戶法三十六旬七十二爨法七十二候孝經曰宗祀文王於明堂以配上帝上帝謂古時帝太昊之屬黃帝曰合宮有虞曰總章殷曰陽館周曰明堂辟雍者象璧園雍之以水象教化流行尊孝宣

廟為中宗孝元廟為高宗天子世世獻祭冬置西海郡徙天下犯禁者處之梁王立有罪自殺分京師置

前輝光後丞烈二郡更公卿大夫八十一元士官名位次及十二州各分界郡國所屬罷置改易天下多

事吏不能紀冬大風吹長安城東門屋瓦且盡

五年春正月裕祭明堂應劭曰禮五年而再殷祭壹禘壹祫祫祭者毀廟與未毀

廟之主皆合食於太諸侯王二十八人列侯百二十

人宗室子九百餘人徵助祭師古曰禮畢皆益戶賜

爵及金帛增秩補吏各有差詔曰蓋聞帝王以德撫

民其次親親以相及也昔堯睦九族舜惇敘之師古曰虞

書堯典云昔在帝堯克明峻德以親九族九族既睦

峻德之士而任用之以睦高祖玄孫之親迺令百姓

和睦章明舜又厚敘此親使眾庶皆明其教而自勉

勵翼戴上命也朕以皇帝幼年且統國政師古曰朕

故此詔引之稱也惟宗室子皆太祖高皇帝子孫及兄弟吳頃楚

元之後師古曰吳頃謂高帝之兄仲也初為代王後廢為合陽侯而子濞封為吳王故追謚仲為

吳頃王頃漢元至今十有餘萬人雖有王侯之屬莫

能相糾師古曰糾謂禁察也或陷入刑罪教訓不至之咎也傳

不云乎君子篤於親則民興於仁師古曰此論語載孔子之辭也言上

能厚於親屬則下皆化之起為仁行也以論語傳聖人之言故謂之傳他皆類此其為宗室

致

自太上皇以來族親各以世氏郡國置宗師以糾之致教訓焉二千石選有德義者以為宗師考察不從

教令有寃失職者宗師得因郵亭書言宗伯請以聞晉灼曰宗伯宗正也師古曰郵行書舍也常以歲正

月賜宗師帛各十匹義和劉歆等四人使治明堂辟

應師古曰為使令漢與文王靈臺周公作洛同符師古

曰文王築靈臺周公成維也言與之符合太僕王惲等八人使行風俗師古

曰行音宜明德化萬國齊同皆封為列侯徵天下通

知逸經古記天文歷筭鍾律小學史篇方術本草及

以五經論語孝經爾雅教授者在所為駕一封軺傳

如淳曰律諸當乘傳及發駕置傳者皆持尺五寸木

傳信封以御史大夫印章其乘傳參封之參三也有

期會累封兩端端各兩封凡四封也乘置馳傳五封

也兩端各二中央一也軺傳兩馬再封之一馬一封

也師古曰以一馬駕軺遣詣京師至者數千人閏月

立梁孝王玄孫之耳孫音為王冬十二月丙午帝崩

于未央宮臣瓚曰帝年九歲即位即位五年壽十四

故恐不悅莽自知益踈篡殺之謀由是生因到臘日

上椒酒置藥酒中故翟義後書云莽鳩弒孝平皇帝

大赦天下有司議曰禮臣不殤君皇帝年十有四歲

宜以禮斂加元服師古曰斂奏可葬康陵臣瓚曰在

十詔曰皇帝仁惠無不顧哀師古曰言帝平生每疾

鍾人傑曰詔文敷語絕似元和子厚筆西漢之景秀簡者

筆古詞勁
又極有體
要是一各
筆所撰

一發氣輒上逆害於言語故不及有遺詔其出媵妾
皆歸家得嫁如孝文時故事師古曰媵妾謂從皇后
俱來者媵之言送也媵

音食澄反
又音孕

贊曰孝平之世政自莽出褒善顯功以自尊盛觀其

文辭方外百蠻亡思不服師古曰大雅文王有聲之

亡思不服言武王於鎬京行辟雍之禮自四方休微

嘉應頌聲並作師古曰休美至于變異見於上民怨

於下莽亦不能文也復文飾也

前漢書卷之十二 終

